

Kontuola

ANTZUOLA / Egubakoitza / 2005eko abenduaren 16a / 268. zenbakia

KOORDINATZAILEA: Aintzane Irizar • Barrenkalea 33 BERGARA, 20570 • Tel.: 943 25 05 02 • Faxa: 943 25 05 13 • Posta elektronikoa: kontuola@goiena.com • Lege gordailua: SS1179/02

Arrolaren batzorde berria hasi da lanean

AINTZANE IRIZAR

Urriaren Arrolaren zuzendaritza batzordeak deialdi larria egin zuen; jende berririk topatzen ez bazuten, elkarte desagertu egingo zen. Erantzun ona izan zuen deialdi horrek, eta dagoeneko hasi dira lanean batzorde berriko kideak.

Eneko Iturbek, Aitor Peñagari-kanok, Jose Mari Alberdik, Patri Bideluzek eta Andoni Balerdik osatzen dute Arrolaren zuzendaritza batzorde berria.

Horixe da Arrolak deialdi larri hura egin eta gero osatutako batzorde berria. Ez ziren, baina, bost lagun horiek bakarrik aurkeztu Arrolan lan egiteko. Gehiago izan ziren; datozen urtean, hortaz, badirudi egongo dela lanerako prest dagoen jendea. Dena dela, jende berria beti hartuko dute gustura Arrola elkarte-ko kideek. Orain dela hilabete batzuetatik hona, hortaz, zeharo aldatu da elkartearen etorkizunerako itzaropena.

EGUTEGI BERRIA EGIN DUTE

Batzorde berria lanean hasi da, esan bezala, eta dagoeneko, egutegi berria egin dute; egunak zehaztu barik dauden arren, hilabetez hilabete egingo dituzten irteerak erabakita daude. Hilabetero irteera bat egiteko asmoa dute antolatzaileek.

Urtarrilerako, adibidez, eski irteera antolatu dute, Candanchura; hilaren 14an eta 15ean



Batzorde berriko lau kide, Arrolaren egoitzan lanean.

Datorren urterako irteeren egutegia egin du batzorde berriak

izango da hori. Izena emateko eguna ere jarri dute: abenduaren 20an egongo da horretarako aukera, Arrolak Kalebarrean duen egoitzan.

Martxoan, Zumarragatik Azkoitira oinez joango dira; apirilean, Ataun-Lareo-Lizarusti ibilaldia egingo dute. Maiatzean, Errege Bardera-bizikletaz ibiltzera joango dira. Ekainean, Kanpazartik Urkiolara oinez egingo dute ibilaldia; uztailan, Debatik Zumaiara oinez joan eta gero, hondartzara joango dira.

Irailan, Finalista Eguna eta kanpaldia; urriaren, Garaiora bizikletan ibiltzera eta azaroan Andraitz-Zerain ibilaldia egingo dute.

LABUR

EHNA egiteko aukera izango dugu udaletxean bihar, zapatua, eta etzi, domeka

Herri gehienetan aurreko asteko zapatuan egon zen EHNA egiteko aukera. Antzuolan oraingo asteburuan egongo da aukera hori. Bihar, zapatua, 11:00etatik 13:30era eta 18:30etik 20:00etara. Domekan, berriz, goizez bakarrik, 11:00etatik 13:30era.

Herriko Pilota Txapelketako finalerdiak bihar, zapatua, jokatuko dituzte, 11:00etan

Honako lau bikoteak sailkatu dira finalerdietarako: Luis Larrea eta Jon Aranguren; Andoitz Aranburu eta Iker Irizar; Mikel Bargiela eta Jon Pagaldai eta Aitor Aranguren eta Xabin Murua-mendiarrak. 11:00etan hasiko dira partiduak bihar, zapatua.



Pausokak batzorde berria dauka

Pausoka gurasoen elkarteak batzar orokorra egin zuen abenduaren 1ean. Hantxe, besteak beste, zuzendaritza batzorde berria osatu zuten. Hona hemen kide berriak: Nerea Irizar, Nerea Ruiz, Amaia Toledo, Mikel Kerexeta, Olatz Altzelai eta Bakarne Gastañares. Aurrerantzean, 11 kide izango ditu Pausokak, Haurreskolak ere bere ordezkaria izango du eta./A.I.



Jose Luis Zabalo

Kalegoi 9, 1. solairua
ANTZUOLA.
Tel. 943 76 60 89
Faxa: 943 76 60 14

ZAHAR BERRITZEAK:

Fatxadak
Bainugela eta sukaldea
Lokal komertzialak
Teilatuak

Eta orain....
GREMIOEN
KOORDINAZIOA

SUKALDEKO ALTZARIAK
Harizki

MUEBLES
IGEA

Sukalderako eta
bainurako altzariak
Altzari rustikoetan
espezializatuak

Zurrategi plaza 4, behea. ANTZUOLA. Tel. eta faxa 943 78 71 80


KULTURA

Umeendako bi ekitaldi izango ditugu: pailazoak eta ipuinak

Bihar, zapatua, ipuin kontalariaren emanaldia izango dugu. Etzi, berriz, domeka, pailazoekin ondo pasatzeko aukera izango dute umeek. Gari, Montxo eta Joselontxo pailazoen *Supituki* ikuskizuna eskainiko digute.

Pailazo hirukote klasikoa osatzen dute Garik, Montxok eta Joselontxok: pailazo argia, bihurria eta tentela ditugu. Betiko umore horrekin, baina, ondo baino hobeto pasatzeko aukera eskaintzen diete umeei. Horixe egingo dute Antzuolan ere, etzi, domeka, Olanan etxean. 18:00etan hasiko da pailazoen emanaldia.

Supituki ikuskizuna eskainiko digute, umorea eta magia uzartzen dituen lana. Saioa hasiera doa, baina, magoa falta zaie. Halako baten, azalduko da magoa, baina, laguntzaile barik; ia Antzuolako ze umek laguntzen dion! Laguntzaile berri horri magia egiten erakutsiko dio.



Gari, Montxo eta Joselontxo pailazoen *Supituki* ikuskizuna eskainiko digute.

Asteburu bete-betea izango da umeendako. Bihar, zapatua, ere izango dute umeek zerekin gozatu; Galtzagorri elkarte

Alaitz Muro ipuin kontalariaren emanaldia izango dugu, 18:00etan, Udal Liburutegian. Denok gonbidatuta zaudete.

HERRI MAILAKO PILOTA TXAPELKETA

PARTIDUAK

Abenduak 17
11:00: Andoitz Aranburu eta Iker Irizar - Mikel Bargiela eta Jon Pagaldai
Ondoren, Luis Larrea eta Jon Aranguren - Aitor Aranguren eta Xabin Muruamendi

EMAITZAK

Abenduak 3
Luis Larrea/Jon Aranguren- Mikel Urtzelai/J. Agirrebeitia 18-13
Mikel Muguruza/Migel Mari Jauregi- Andoitz Aranburu/Iker Irizar 7-18
Aitor Aranguren/Xabin Muruamendi- Joseba Lezeta/Juanjo Aranburu 18-5
Erik Lizarralde/Joseba Azkarate- Mikel Saralegi/Josu Agirrezabal 7-18

Abenduak 10
Mikel Bargiela/Jon Pagaldai- Juan Simon Aristi/Jose Manuel Aranburu 18-5
Jose Mari Iturbe/Jose Mari Mendizabal- Jon Arregi/Eneko Zabaleta 18-1
Patri Bideluze/Andoni Balerdi- Luis Larrea/Jon Aranguren 0-18
Mikel Urtzelai/J. Agirrebeitia- Mikel Muguruza/Migel Mari Jauregi 15-18
Joseba Lezeta/Juanjo Aranburu- Erik Lizarralde/Joseba Azkarate 18-9
Mikel Saralegi/Josu Agirrezabal- Aitor Aranguren/Xabin Muruamendi 13-18

KIROLA

PARTIDUAK

FUTBOLA
Abenduak 17
15:45: Antzuola-Gazteak (Erregionalak)

PILOTA
Gabon jaien ondoren jarraituko dute pilotariak denboraldiarekin. Orain, oporralditxo hartu dute. Olalde elkarte mutilek.

EMAITZAK

FUTBOLA
Eibartarrak 1 Antzuola 5 (Erregionalak)
Antzuola 5 Bergara 1 (Gazteak)

PILOTA
Aurreko asteburuan, zubia zela eta ez zuten partidurik jokatu.

HERRITARREN HITZA / Alaitz Jauregi · Langilea

Urtero berdin

Gabonak ailegatu direla ta alde danetan *Zorionak! Gabon zorionsuak!* edo ta eurei buruzko artikuluak beste-rik ez ditugu irakurtzen. Emoten dau urteko sasoi importante bakarra dala, besterik ez balego bezela. Ba neretzat Gabonak urte bukaerako egunak besterik ez dira. Gabonetan egin geinkena, berdin berdin urteko beste sasoiaren egin geinke. Hasteko, jarri dozue sekula baskula baten tragatzen ditudun tonelada alimentuak? Erdixakin nahikua edukiko giñuke, ta

sobrekin zenbat behartsun triapak beteko giñuzken! Elkartasuna, laguntasuna... Telebisiñuan eskatu besterik ez dabe egitten, bape merezi ez daben progama kutre batzutan. Zergatik ez dabe ikuslien borondatia eskatu biharran audientziakin lortzen ditudun billoiak bihar ditudueneri bialtzen? Gainera biharrak urte guztian daude, ez 10 egune-



"Gabonetako sobrekin zenbat behartsuren triapak beteko giñuzken!"

Hiper Maxi Mega Supermerkau horretako batera jun nintzan etxeko erre-

tan bakarrik. Gainontzeko 355 egunetan inor akordatu be ez? Ta erregalutan gastatzen dogun dana? Benga, danok zoruak bezela dirua gastatzera! Urtarri-lan 7ttik aurrera, berriz, prezio laurdenian dauz-kagu gauza igualak!

Aste bukaeran


kauak egittera ta han ikusten dot pasillo erdixan "OFERTA" sekulako pankartia. Mahai haundi bat zan bildots haragixakin. Normalian baino garestixagua zeguan, baina zelako jende pillia alkarri zeinek bandeja ederrena eskutik kenduko! Buenoooo... Ura be edan ezin daben lurralde-tan hau dana ikusiko balebe... Bukatzeko zera esatia geratzen jat: ba nik esandakuei kasorik be ez, eta bakoitzak egin deixela egokixen pentsatzen jakona. Ondo pasau danok urte bukaerako egun honek.

LABUR

Anelkar, Bidezko Merkataritza bultzatzen

Bidezko Merkataritzako produktuak saltzeko postua jarriko du Anelkarrek; zapatuan, 19:00etatik 20:30era; domekan, berriz, 12:00etatik 14:00etara eta 18:00etatik 20:00etara. Janaria, artisautzako produktuak eta Gabonetako otarrak erosteko aukera izango dugu.

Herrialde behartsuei modu duin baten laguntzea da helburua. Gogorazi nahi dute, gainera, Arrasateko dendan urte osoan zehar saltzen dituztela produktuak.



ZURE OPTIKA

ITZIAR UGARTE

Optika Audiometria Betaurrekoetan azken joerak

Arrasate pasealekua 35, ARRASATE. 943 08 26 87
Eskola Politeknikoaren ondoan